

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Rituale Sive Obsequiale Ecclesiae Et Dioecesis
Constantiensis**

Constantiae, 1686

Ordo sepeliendi mortuos

[urn:nbn:de:bsz:31-132849](https://nbn-resolving.org/urn:nbn:de:bsz:31-132849)



O R D O
S E P E L I E N D I
M O R T U O S .



Procurator vel Sacerdos volens ad sepulturam comitari funus alicujus defuncti, qui de jure ab Ecclesiastica sepultura non est arcendus sed admittendus, (quibus verò talis neganda sit, tam in Constitutionibus Synodalibus parte 2. tit. 25. quàm alijs probatis Authoribus & libris videre poterit) superpelliceo vel choralis & stola nigra indutus, præcedente ministro cum sancta Cruce, & alio cum Aqua benedicta & thurribulo subsequente, datiq; pro more & consuetudine loci certis campanæ signis, pergat ad ædes defuncti; vel si funus sine Sacerdote apportatur, ponitur in Cœmeterium, tunc ipse primò cadaver aspergat aqua benedicta, postmodum dicat:

Bb 3

✠. Ore-

- ¶. Oremus Pro fidelibus defunctis.
 R. Requiem æternam dona eis Domine, &
 lux perpetua luceat eis.
 ¶. Requiescant in pace. R. Amen.

Deinde dicit Antiphonam. Omne, &c.
 & Psalmum, Miserere mei Deus, &c. ut supra
 fol. 142. vel Psal. De profundis, &c. ut supra
 fol. 146. & in fine Psalmi dicit: Requiem æter-
 nam dona ei Domine; & lux perpetua luceat ei.

Finito Psalmo repetit Antiph. Omne, quod
 dat mihi Pater, ad me veniet, & cum, qui venit
 ad me, non eijciam foras. Kyrie eleison. Chri-
 ste eleison. Kyrie eleison. Pater noster. *secretò.*
 ¶. Et ne nos inducas in tentationem. R. Sed
 libera nos à malo. ¶. A porta inferi. R. Erue
 Domine animam ejus. ¶. Requiescat in pace.
 R. Amen. ¶. Domine exaudi orationem meã.
 R. Et clamor meus ad te veniat. ¶. Dominus
 vobiscum. R. Et cum spiritu tuo.

Deinde dicit unam ex orationibus sequen-
 tibus pro statu defuncti, quam cum Oratione Fi-
 delium infra posita concludit.

Oremus. Pro Sacerdote defuncto, Oratio.

Beati

BEati Petri Apostoli tui, quaesumus Domine, intercessione nos protege, & animam famuli tui **N.** Sacerdotis Sanctorum tuorum iunge consortio. Per Dominum nostrum. **&c.**

Pro Laico, Oratio.

OMnipotens sempiternae Deus, cui nunquam sine spe misericordiae supplicatur, propitiare animae famuli tui **N.** & praesta; ut qui de hac vita in tui nominis confessione decessit, Sanctorum tuorum numero eum facias aggregari. Per Dominum nostrum. **&c.**

Pro defuncta, Oratio.

Quaesumus Domine pro tua pietate, misere animae famulae tuae **N.** & à contagijs mortalitatis exutam, in aeternam salvationis partem restitue. Per Dominum nostrum. **&c.**

Pro fidelibus defunctis generalis Oratio.

Fidelium Deus omnium Conditor & Redemptor, animabus famulorum famularumque tuarum, remissionem cunctorum tribue peccatorum; ut indulgentiam, quam semper optaverunt, pijs supplicationibus consequantur. Qui vivis & regnas in saecula saeculorum. **R.** Amen.

R. Re-

✠. Requiem æternam dona ei Domine. *℞.* Et lux perpetua luceat ei. ✠. Requiescat in pace. *℞.* Amen.

Tunc aspergit iterum funus aqua benedicta dicens:

Rore ✠ cælesti perfundat animam tuam Deus; In nomine Patris, & Filij, & Spiritus sancti. Amen.

Deinde illud incensat similiter in modum Crucis, dicendo:

Odore ✠ cælesti reficiat animam tuā Deus; In nomine Patris, & Filij, & Spiritus sancti.

Postea funus, præcedente ministro cum sancta cruce, & Sacerdote cum altero Aquam benedictam & thuribulum deportante ipsum funus immediate subsequente, commitantibus & sub silentio Deum pro defuncto ritè deprecantibus alijs, ad sepulchrum usque defertur, ibiq; deponitur, ita ut defuncti pedes, si fuerit laicus sint versus altare majus Ecclesiæ, si verò fuerit Sacerdos, caput sit versus ipsum altare, & tunc Sacerdos denuo dicat:

✠. Oremus pro fidelibus defunctis, &c. ut

supra

supra fol. 198. usq; ad Orationem, quam dicit ut sequitur.

Oremus.

Oratio.

Absolve quæsumus Domine, animam * famuli tui **N.** (famulæ tuæ **N.**) ab omni vinculo delictorum, ut in resurrectionis gloria inter Sanctos, & electos tuos * resuscitatus (resuscitata) respiret. Per Christum Dominum nostrum. Amen.

✠. Requiem æternam dona ei Domine. **R.** Et lux perpetua luceat ei. ✠. Requiescat in pace. **R.** Amen.

Tunc aspergit funus Aqua benedicta dicens:

Rore ✠ cælesti perfundat animam tuam Deus.

Deinde benedicit sepulchrum, si nondum sit benedictum, aspergendo illud aqua benedicta dicens:

Sanctificetur hoc sepulchrum; In nomine Patris, & Filij, & Spiritus sancti. Amen.

Deinde incensat funus in modū Crucis dicēdo:

Odore ✠ cælesti reficiat animam tuā Deus.

Similiter & sepulchrum thurifiat, si tunc benedicatur, nihil dicens.

Cc

Postea

Postea funus deponitur in sepulchrum, quo deposito, Sacerdos ter projicit de terra super illud, dicendo:

Memento homo quia pulvis es, & in pulverem reverteris.

Vel. Sume terra, quod tuum est, sumat Deus, quod suum est; corpus de terra formatum est; spiritus desursum inspiratus est.

His peractis brevem pro qualitate personæ defunctæ, & consuetudine loci, sermonem habeat ad populum, vel de quatuor novissimis, vel de miseria humana, &c. Et in fine gratias agat adstantibus nomine consanguineorum pro hoc opere misericordiæ præstito, simulq; indicet, quo die, & quâ horâ sint primum depositionis diem celebraturi. Ultimò moneat, ut recitent orationem Dominicam, & Salutationem Angelicam pro anima defuncti, & eo aquâ benedictâ asperso, redeat ad Ecclesiam cum Cruce & ministris.

